

廬山小志卷六

德化 蔡瀛 小霞 纂

山南自五老峰南行至宮亭湖

五老峰

舊志在含鄱口東北橫隱蒼空勢壓彭蠡五峰壁立約高三千六百丈轟起天半為匡廬主峰常擁奇雲閃爍萬狀其後第二峰下有二洞藤蘿密覆人跡罕至峽中佛光繽紛大如車輪石剡日近雲低侍

廬山小志

卷六

古蹟

一

嫗嫗別館

御許世昌書

去天只五方伯徐坦書

星聚層巒

郡丞郭友龍書

晦翁與程正思丁復之黃直卿俱

來覽觀江山之勝樂之忘歸時淳熙己亥重五日翁

子在魏恪侍行

增江漢陽志崔道人居五老峰下積

香數斛一日命弟子焚之崔默坐煙中忽躍峰頂石

剡聞谷洞

目無障礙別駕沈煥書瀛按目舊志作

了

李太白書堂

舊志太白愛匡廬五老之勝結廬峰

誤

下後歸中原不忍去指山日期君再

會不敢寒盟丹崖翠壑尙其鑒之杜詩云匡山讀書處頭白好歸來蓋願其得遂終隱之志瀛按世謂太

白死于水引杜詩江湖波浪投詩汨羅之語爲証考
太白年譜天寶十四載乙未安祿山反明年永王璘
反時白卧廬山璘脅致之已而璘敗丹陽白繫潯陽
獄乾元二年己亥長流夜郎次年半道放還後卒當
塗李陽水家葬謝家青山史載明晰後世沉
江騎鯨之說蓋據言五侯鯖錄貽之誤耳
楊衡隱

居 舊志衡元和中詩人時有竊其詩以登第者後衡
及第謂曰一一鶴聲飛上天之句尚在耶其人曰
此句知兄甚惜不敢竊之衡笑曰猶可怨也 增唐楊
衡符載崔羣宋濟皆詩人偕隱廬山號山中四友

廬山小志

卷六

古蹟

二

嫿媛別館

楊衡春夢詩云空庭日照花如錦紅妝美人當晝寢
旁人不知夢中事惟見玉釵時墜枕 宋濟東鄰美
人歌花暖江城斜日陰鶯啼綠戶曉雲深春風不道
珠簾隔傳得歌聲與客心瀛按崔羣唐據言作李羣
符載隱居 舊志載蜀人韋臯嘗請撰齋詞時飲摩訶
池離席盥漱命小吏十二人捧硯人分兩
題緩步池上口占投之其敏捷如此旁有吉祥寺頭
陀寺大明觀 增符載甘州歌月裏嫦娥不畫眉只將
雲霧作羅衣不知夢逐青
鸞去猶把花枝盞面歸
芝山寺 舊志因產靈芝故
名 增宋乾道間創

九疊屏

舊志在五老東北九疊如屏亦名屏風
增下有羽章館漢武帝幸九江時築

九疊谷

舊志

在屏下兩崖峭削百千

丈怪石錯列最為險峻

識真亭

舊志在谷中朱文公興復鹿洞時建

九

雲寺

舊志學士施鳳來建前臨三疊泉中有綠水潭
一線天觀音洞普陀崖玉印峰增一名九屏寺

三石梁

舊志在九疊屏上長數丈廣不盈尺橫絕青冥
人罕能至晉咸康中吳猛與諸將弟子遊山過
梁見一老人坐桂樹下飲以玉杯甘露進至一處見
玉宇金房輝彩眩目內多珍寶玉器有數十人與猛

廬山小志

卷六

古蹟

三

嫺嬛別館

言若舊相識為設玉膏弟子竊一寶歸梁即化如指
細猛使還寶梁復如舊劉同升廬山三石梁記李太
白詩銀河倒挂三石梁則石梁之下當有瀑布元李
洞言在開先寺上豈以布水臺在寺西故遙度云太
白詩又云香爐瀑布遙相望是並紀勝景而銀河倒
挂句又是一瀑黎景高又言石梁在五老峰上或云
在簡寂觀及上霄紫霄二峰與九疊屏桑喬山疏竟
以為無石梁而好奇之士亦付冥搜如竹林寺影之
幻癸丑九月予遊廬山三上九奇峰皆躡絕頂雲霧
忽合大地如海飄飄然如在島嶼間不見山中之景

遂趨五老之巔以待霽望峰之西得一澗問云是赴
三峽澗之水水口幽險人跡罕至予乃舍奚僮而與
輿人沿澗跨石行三里許見一石山奇絕予欲坐而
看湖石無寸膚可上其半微有痕可置一足足垂半
於外復置一足於藤蘿下臨深澗一輿人素摘石耳
者輕捷如猿猱與予接臂而上落日乍霽暝煙初散
翻湖澄澈萬頃流碧湖中諸山飲翠嵌沙如琉璃盤
中微置水石耳予立險絕處下視千丈乃見瀑瀑下
絕壁壁下逾峻不得流則激碎飛落蒙密如線忽看
邃谷三石梁宛在其間予乃疾下行澗中巨石當澗

廬山小志

卷六

古蹟

四 鄒孃別館

水流積石閒蘊爲深谷雙闕對峙乃闢石山由梁而
門瀑泉乃奔方其匯谷中忽流牙激聲聞十數里予
乃復與輿人接臂而下石危苔滿不可置足置矣亦
不復施力正恐反墜險絕而至石梁三梁削成並列
如人所置其上瑩滑苔色侵人顏面其下水石潑洄
凌亂遙對宮亭湖如數畝寒塘帆檣上下正如一葉
由梁而度石崖斗絕無徑右崖爲含鄱嶺之盡石壁
橫斜末轉向峽左崖爲五老峰之盡怒石突起裂坼
欲崩下疊數石各相撐拄卽予所躡而望湖者也左
右石勢參差相向故亦稱石門予於是復沿澗而還

漸上煙亦漸與兩溪僅已在雲中咫尺莫辨翼日語
山中者舊無一人知者三石梁以巖谷所闢得寶其
蒼翠之色千年來斧鑿不及亦幸矣太白廬山謠足
稱山史太白之遊亦千年罕儔也萬歷四十一年癸
丑孟冬吉水
劉同升記

青蓮谷

舊志在五老峰背以太白得名增石剗青蓮谷
萬松曷同兄定曜任澄道廣大立黃谷再見
山中舊有一洞名黃谷者黃谷禪師得道處也而此
洞奇曠較尤過之特向未得名想天設有待耳近聞

廬山小志

卷六

古蹟

五

娜孃別館

極禪師入定數月竟悟超羣誠又一黃谷出世也因
題其洞康熙丁未九月望日南康郡判蘭陵沈瑛赤
巖跋聞谷洞者在五老第五峰之巔董
工劉鳳口口鳳阿麟敷小霞蔡瀛書
青蓮寺舊志

在谷西南
僧守心建
月宮院舊志在谷旁僧無礙建形
如月宮故名旁有方廣堂

萬松坪

舊志踞五老中峰背蒼松夾
道二三里許平衍無石故名

萬松庵

舊志國朝
僧覺一建

鉢盂峰

舊志在五
老峰北

鏡湖庵

舊志在
峰旁

驢蹄窪

舊志在峰東石
上有三四孔如

驢蹄增西灣詩話廬山詠真洞張果老驢跡尚在真
偽之間以其無後人刀斧痕仙術固未可測耳附明
皇雜錄張果常乘白驢日行數萬里夜即
疊置箱篋乃紙也乘則以水噴之復成驢

象鼻山

舊志在五老西
北形如象鼻

象鼻庵

舊志在
山前

文殊臺

舊志在五老峰前境
與天池黃巖並勝

卧雲崖

舊志在臺側旁有
鉢盂泉振錫泉

獅子峰

舊志在五老峰南下亦名獅子崖形如
獅踞面彭蠡湖旁有象王峰宛然顧盼

繡毬峰

舊志

廬山小志

卷六

古蹟

六

嫿嫿別館

在獅峰下圓如毬上有老

獅子窟

舊志庵名在
繡毬峰下

金印峰

舊志在獅子峰
前有石如印

李庭筠書堂

舊志在峰下庭筠舉
進士官四門博士其

書堂雙石出雲飛瀑在下境致

絕佳五代樞密李微古重建

旛竿峰

舊志在獅峰南下頂有二石高丈許豎如旛
竿旁有大磐石可坐數十人下為旛竿源

石船

峰

舊志在獅
峰南下

凌雲峰

舊志在獅峰南下即白龜山上隱碧空俯瞰江湖下有白龜池白龜潭水東南流出白鹿洞

承

福院

舊志在峰下巖

頭彘禪師居

折桂寺

舊志唐李逢吉讀書於此舉進士故名後有讀

書臺石劄晦翁通與送張襄陽至此痛飲而別 嘉

定戊寅七夕前一日長樂黃喻潘相循江湖泳雲門

高九萬莆田陳宓方信孺方子槐方長儒臨川口鹿

鄉南昌宋恭信孺子左鉞來遊 元統乙亥三月邑

令潘口李采熊警曹筠姚宥堂同遊黃

雲之觀 嘉靖九年閩劉世揚題識

黃雲觀

舊志在峰

廬山小志

卷六

古蹟

七

嫗媛別館

下宋道人雲公建旁有

華嚴寺方竹寺寶竹寺

木瓜崖

舊志在石

木瓜洞

舊志在崖畔唐道士劉混成自白鶴觀來居洞中種木瓜為食

年八十六泛舟仙去後有石嵩隱道者居之自註

黃庭諸經指元篇等書壽九十餘逝時鶴聲繞庭

龍池

舊志在崖下

旁有玉絃亭

凌霄峰

舊志在木瓜崖南下巉巖萬狀上插層霄水分三道一西行雁犀牛塘一滙太平澗一西南行出白

鶴 **凌霄巖** 舊志在峰下旁有石洞巨石撐疊玲瓏宛
觀 傳螺旋繞磨步步幽奇唐馬祖道一禪師

曾居之因稱馬祖洞上有高臺金

鶯映帶如怒虎愁獅撲攫天際 **凌霄院** 舊志一名
明真院明

翠峰老宿棲隱馬祖洞與大將劉公綬善遂創梵刹

經爐盤盂諸物甲冠一時 國朝康熙閒南城合苗

蕃隱此增造天馥樓瀑

音閣著作藏書甚富

團山 舊志在獅峰西南東下為 **雙鷄峰** 舊志在澗西澗東
團山澗水西南出太平寺 有石如龜澗西二

廬山小志 卷六 古蹟 八 娜嬛別館

石如鷄勢 **滴水巖** 舊志在澗西巖首穹
且啄龜 窿有泉點滴而下

硃砂峰 舊志在團山西南 **硃砂庵** 舊志在
石赤如硃故名 峰下

犀牛塘 舊志在凌霄巖西南有上下二塘水西 **白鶴觀**
南經白鶴觀東南會折桂寺出白鹿洞

舊志在犀牛塘南白鹿洞西北唐道士劉混成居內
有煉丹井搗藥臼及混成手植杉本大丈餘舊名古
栢壇宋名承天觀後仍名白鶴觀石劔玉佩琳瑯蘇
東坡書增方輿記廬山秀麗為江南第一而此觀復

爲廬山

第一

青牛谷

舊志在凌霄峰下宋道士洪志善六甲盪魔祛病之術常乘青牛故名

淨妙院

舊志

在谷中一名淨妙寺僧念庵重建

增

宋僧道銓創

國朝僧慧明重建

亂螺山

舊志在凌霄崖西形如螺大小叢疊

太平寺

舊志在團山南亦名卧龍庵宋高峰禪師建明

僧行全修旁有

白石臺老虎石

太平澗

舊志在寺前水西南逕行龜峰與桃林諸水合

王楊

廬山小志

卷六

古蹟

九

嫗孃別館

坂

舊志在寺東南水逕金鐘堰羊頭壠入神林湖

李家山

舊志在白鹿洞東北李公擇居

寒泉亭

舊志在山麓蘇東坡題

羅漢嶺

舊志在鹿洞南

羅漢寺

舊志宋真宗時廣濟堅禪師創寺成章聖皇后夢十八應真乞歸廬

山遶高麗貢佛及羅漢金像因題額詔祀寺內並賜藏經及瑪瑙琴象皮鼓金鐘諸器其水因名金鐘堰後有觀音泉觀音塔

玉澗橋

舊志在寺前宋紹興元年建下有烏龜石龜尾日出鹽四兩以給僧

炊僧少之夜鑿

雲臺庵

舊志在寺東南朱梁時鄭元素攜前代圖書及二王真蹟

其口鹽遂不出 隱此四十餘年積書千餘卷初名鄭

元素書堂後改建庵水曰雲臺源

朱家山

舊志在白鶴觀西宋

朱弼居水出王楊坂

顏家山

舊志在朱家山東南向家山側與玉

京接壤相傳顏魯公居下有顏家橋

真武廟

舊志殿覆

琉璃瓦倍極壯麗明

太史鄧以讚書匾

廬山小志

卷六

古蹟

十

娜嬛別館

東古山

舊志在大漢陽之陽峙立聳秀

俗名比山 增前有石門梅花洞

法輪院

舊志在山 上宋僧如

湛建明僧覺空重新東有觀瀑臺石剝觀

瀑臺 增法輪院一名東古寺旁有法輪井

釣魚臺

舊志

在山麓 增明侍講

章水橋

舊志在山南下水自開先 簡寂經橋漚出彭蠡康熙

余南坡釣隱處

流澌橋

舊志在章水南水自五老浚霄 西羅漢嶺繞玉京而出五老積

閒星子令毛

能仁寺

舊志在流澌南三里宋大 慧杲禪師居明初華山崇

德琦重建

水所融也康熙閒

郡守葉謙重建

長老

重興

江東道院

舊志在能仁寺南里許即今南康府後倚峻山前距重湖名道院者謂其地之民淳事簡

也增宋淳祐間知軍方岳初築土城明正德間知府

陳霖鑿石甃磚建門五東潯陽南彭蠡西建昌北匡

廬小西曰星子嘉靖間知府于聞復于城

真節堂

增在

西南闢小南門以通紫陽闕名曰紫陽門

府署宋南康軍徐思回建因堂有八杉故名朱文

公來郡求遺迹不得惟廳前老栢屹然仍以名堂

廬山小志

卷六

古蹟

十一

嫗媛別館

老堂

增舊在府治西圃文公知軍時名武觀嘉定閒趙師夏以文公配五老改名六老紹定閒史文

卿改名天下壯觀淳祐閒陸德輿復舊名明永樂初

貳郡王禕遷建府川堂後旁有二賢祠祀周子朱子

愛蓮池

舊志在二賢祠後周子種蓮處周濂溪愛蓮說水陸草木之花可愛者甚蕃晉陶淵明獨

愛菊自李唐來世人盛愛牡丹予獨愛蓮出淤泥而

不染濯清漣而不妖中通外直不蔓不枝香遠益清

亭亭淨植可遠觀而不可褻翫焉予謂菊花之隱逸

者也牡丹花之富貴者也蓮花之君子者也噫菊之

愛陶後鮮有聞蓮之愛同予者何人牡丹之愛宜乎
眾矣**增**周濂溪知南康軍時鑿上有亭朱子書愛蓮
二字南有友松亭
郡守石之爰建

觀瀾閣

增在府署東南高踞城闌
平挹江瀨明嘉靖閒王濬

建田瑄移祀文昌

望雲亭

舊志晏使君望
香爐峰雲處

像改名文昌閣

星子樓

舊志在治西南

兜率寺

增在治南一名護國院
宋僧法克建明僧天隱

增宋令李通建

居前有

通江橋

廬山小志

卷六

古蹟

三

鄉媛別館

天寧寺

增在治西宋崇寧閒初名萬壽院後改光孝院
淳熙閒改今名 國朝康熙閒巡撫董衛國郡

守廖文英重修

後有華陽館

紫陽堤

增在紫陽門外朱子因舊堤增築以防水患上
有張錦亭朱子建愛江亭宋知軍事史文卿建

文孝廟

增在西灣祀梁昭明
太子追封文孝故名

永鎮塔

增在城外 國
朝雍正閒建嘉

慶閒

重建

彭蠡湖

舊志在府東南增中有雁泊小湖水經注贛水

總納十川同湊一瀆注於江隋前概名彭蠡場

帝以鄱陽山所接兼有鄱陽之稱圖經鄱陽湖東至

饒州餘干縣康郎山西北近南昌南康界唐十道志

彭蠡江南之大川也夢溪筆談宋熙寧中王師南征

有小蛇登船船師曰此彭蠡小龍以潔器薦之蛇伏

船便風日棹數百里至洞庭乃附商船回詔封神為

順濟王禮官至祠焚香蛇忽墜祝肩上祝曰龍君至

矣首如龜不類蛇首徑入銀香奩中不動既酌酒乃

自奩中引首吸之俄出循案行色如濕胭脂爛然有

廬山小志

卷六

古蹟

三

鄉媛別館

光尾尚赤前變雌黃色復變綠如嫩草色少頃行上

屋梁入帳不見明日使歸蛇送於船後踰彭蠡而還

舊志在城南為府治西案一名落星灣上有石相

落星墩

傳星精墜化增方輿纂要五代時楊吳以境內有

落星石置星子鎮石劄朱公永仲晦蔡季通汪清卿

程正思鄧邦老陳彥忠萬正淳俞季清來朱氏子在

侍淳熙庚子三月丁卯 朱熹奉處士叔父同王南

清俞子壽吳庚卿李秉文陳勝私趙南紀及表侄俞

潔已甥魏愉季子在俱來觀故張紫微安國

題字為之太息淳熙庚子十月十三日也

落星寺

舊志在墩上宋僧擇隆建旁有玉泉軒增一名法安院唐乾寧閒僧清隱建宋元祐勅名福星龍安院淳熙閒軍守趙彥駉作清暉樓後改臨津樓王世懋復建浮玉樓廖華改名德星樓在寺旁陳王僧辨破侯景兵處增玉堂閑記唐長興中廬山落星潭釣者得物如人狀戴鐵冠積歲莓苔裹之置潭側後經雨洗忽開兩目起就潭水盥手饋面語漁者本處土地山川之名及朝代年月問訖入水寂無聲迹吏民異之為建祠於潭上

廬山小志

卷六

古蹟

古 嫗孃別館

冰玉澗

舊志在落星墩東旁有東臺劉凝之建

冰玉堂

舊志在澗上蘇子由謂凝之父子如

冰清玉潤郡守魯集因建堂南渡時使君曾致虛重葺增建是是堂浪漫閣增浪漫閣劉恕子義仲初始自號浪漫翁

後山

舊志在城西一里許與前山對峙

獨善隱居

舊志在山下宋黃山谷為陳圓題並贈詩云城中咫尺雲橫棧獨立前山望後山

中咫尺雲橫棧獨立前山望後山

陳慕寓居

舊志慕廉靜有守舉進士歷倅淇潭明三郡歸

寓山下

號星灣

少府嶺

舊志在城西以嶺下劉少府凝之墓得名

壯節亭

舊志在嶺下朱子為凝之建明守陳霖重建

建

層城山

舊志在城西一名烏石山

斜川

舊志在山下下有九奇園即南湖釣隱園明經蔡十臣居

九

洪橋

舊志通錦屏舖明永樂二年知縣唐冕建國朝康熙閒郡守廖文英葉謙遞修增萬歷閒知

廬山小志

卷六

古蹟

五 鄉媛別館

府田瑄

重修

玉京山

舊志在城西七里大湖濱一峰蒼秀雲山煙水如列几席相傳節婦姚氏玉京墓此故名東南有玉

澗橋增一名上京山上有

陶靖節舊居

舊志在山下淵明自叙詩

玉京觀晉道士黃遠智建

云疇昔

睡足庵

舊志宋崔閑居閑字誠老博學高逸隱此以琴自娛號玉澗道人

家上京

清潭山

舊志與玉京山接壤

烈女潭

舊志在山下明宸濠之亂甘氏女清秀殉節于此俗名鷄公潭

為唐家

堰水源

前山

舊志在城東南一里許

馮去疾別墅

舊志在山上去疾宋嘉定時進士知溫州

昌馮厚齋子兄去非

去辯去弱皆顯貴

神掌石

舊志在城東陶公祠前前石方面黑如掌形

宮亭湖

舊志在城東五里岸旁有數圓石明可以鑑

宮亭廟

舊志在湖上一

名鄭亭廟宋景德閒勅著祀典廟有神能使行舟分風上下祈禱輒應故其湖一名分風浦

廬山小志

卷六

古蹟

六

娜嬛別館

廬山大嶺凡七重周迴三五百里南臨宮亭湖下有

神廟七嶺會同莫之升者筇竹杖鄭亭廟世傳其神

為青

湖莊

增都昌曹彥約別業彥約受業

洪君

朱子博古好文盛有法書奇畫

神林浦

舊志在宮亭湖側一曰神林湖

延慶寺

舊志在浦南

蝦墓石

舊志在浦東上有令公廟相傳令公神即唐時張睢陽

錠山

舊志在城東北兩端大而中小形如錠

土目湖

舊志在宮

亭湖南

鶴子石

舊志石峙湖中舟觸立碎明

司理廖文英捐鑄鐵柱俾人

知警柱重三萬餘觔高丈有四尺四維緝鐵練鎮以
鐵牛石穿柱立數日湖湧黑物如牛狀乘巨浪往東

湖蓋蛟

精云

廬山小志

卷六 古蹟

七

嫗媛別館